



Белбоғли кураш спорт турининг белбоғли кураш ва эркин йўналиши бўйича кичик ўсмирлар (ўғил ва қиз болалар) ўртасида Ўзбекистон чемпионати мусобақасини ўтказиш

НИЗОМИ

1.Мақсад ва вазифалари:

- Ўзбекистонда Белбоғли кураш спорт турини оммавийлаштириш ва янада ривожлантириш;
- Ўсиб келаётган ёш авлодни соғлом, бақувват ва баркамол қилиб тарбиялаш;
- Ёшларни миллий спорт тури бўлган Белбоғли кураш билан шуғулланишга жалб этиш, уларни миллий кадриятларимизни эъозлаш ва ватанга муҳаббат руҳида тарбиялаш;
- Белбоғли кураш спорт тури бўйича Ўзбекистон миллий терма жамоасини шакллантириш учун иқтидорли курашчиларни саралаш ва рағбатлантириш.

2.Мусобақага раҳбарлик:

Мусобақани ўтказиш бўйича умумий раҳбарлик Ўзбекистон Республикаси Спорт вазирлиги томонидан, мусобақаларни бевосита ташкил этиш эса Ўзбекистон Белбоғли кураш федерацияси томонидан амалга оширилади.

3.Мусобақанинг ўтиш жойи ва муддати:

Ўзбекистон чемпионати мусобақалари 2024 йилнинг 03-05 май кунлари Қашқадарё вилоятининг Чирокчи туманида ўтказилади. Келиш куни 03 май. Ҳар иккала йўналиш бўйича алоҳида тарозидан ўтказилади. Белбоғли кураш бўйича тарозидан ўтказиш 03 май соат 14:00дан 16:00гача, эркин йўналиш бўйича соат 16:00дан 18:00гача бўлиб ўтади. Манзил; Қашқадарё вилоятининг Чирокчи тумани спорт мактаби.

4.Мусобақа иштирокчилари:

Мусобақада Қорақалпоғистон Республикаси, вилоятлар ва Тошкент шаҳридан ташриф буюрган 2011-2012 йилларда туғилган ўғил ва қиз болаларнинг иштирок этишига руҳсат берилади. 2013 йилда туғилган ўғил ва қиз болалар шифокорнинг махсус руҳсатномаси билан мусобақада иштирок этадилар. Белбоғли кураш мусобақаларининг ғолиб ва совриндорлари эркин йўналиш бўйича мусобақаларга қўйилмайди.

Вазн тоифалари:

Белбоғли кураш бўйича-ўсмирлар: 24, 27, 30, 33, 36, 40, 44, 48, 52, 56, 60, 65, 65+кг;

Эркин йўналиш бўйича- ўсмирлар: 24, 27, 30, 33, 36, 40, 44, 48, 52, 56, 60, 65, 65+кг;

Эркин йўналиш бўйича -қизлар: 27, 30, 33, 36, 40, 44, 48, 52, 52+кг;

Жамоа таркиби: 1 та мураббий, 1та вакил ва 35 та спортчидан иборат. Ҳакамлар вазирлик томонидан тасдиқланган рўйхат бўйича мусобақада иштирок этадилар.

5.Талабнома бериш шартлари:

Иштирок этувчи жамоаларнинг талабномалари Қорақалпоғистон Республикаси Спорт вазирлиги, вилоятлар ва Тошкент шаҳар спорт бошқармалари ҳамда Белбоғли кураш ҳудудий федерациялари ва шифокор томонидан тасдиқланган бўлиши керак. Ҳар бир курашчи шахсини тасдиқловчи ҳужжати (фуқаролик паспорти) ва ўз кураш кийимига эга бўлиши шарт. Акс ҳолда спортчи мусобақаларга қўйилмайди.

6.Тақдирлаш:

Ўзбекистон чемпионати ғолиб ва совриндорлари Ўзбекистон Республикаси спорт вазирлиги ва Ўзбекистон Белбоғли кураш федерацияси томонидан тегишли даражадаги медаллар ва дипломлар ҳамда Қашқадарё вилояти Чирокчи тумани ҳокимлиги томонидан ажратилган қимматбаҳо совринлар билан мукофотландилар.

7.Қабул қилиш шартлари:

Мусобақа иштирокчиларининг хизмат сафари билан боғлиқ барча сарф-харажатлар хизмат сафарига юборувчи ташкилотлар томонидан қопланади.